

# **IMAQARNILIAQ TAA - Teknikkeqarnermut Avatangiisinullu Ataatsimiititaq 22-01-2025**

**Ulloq ataatsimiiffissaq** Onsdag 22. januar 2025 kl. 17:00

**Ataatsimiiffissaq** Kommunalbestyrelsip ataatsimiittarfiani

## Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	6
Inissiap ulloq unnuarlu paaqqinnittarfinngorlugu allanngortinneqarnissaanut qinnuteqaat, Manngua	8
Nuummi pinnguartarfinnik piginnittuuneq isumannaallisaanerlu.....	11
Nuummi innaallagissamik qamittoortoqartillugu upalugaarsimanikkut periusissiaqarnissaq pillugu :	14
Illoqarfiup ilaanut pilersaarutitut siunnersuut 4A6-1-F Pinguaraq pillugu tamanut tusarniaaneq.....	17
Nuummi utoqqarnut pisinnaanerusunut inissialiornissaq pillugu siunnersuummut malinnaaffiginnin	20
Lukket.....	23
Lukket.....	24
Imaqarniliap akuerineqarnera.....	25
Tamalaat.....	27

## **Punkt .: Saqqaa**

### **Ataatsimeeqataasut:**

Uju Petersen (IA), Siulittaasoq

Naya Pedersen Lyberth (IA)

Justus Hansen (D)

Peter Davidsen (S)

Storm Ludvigsen (S)

### **Beslutning**

Ataatsimeeqataasut:

Uju Petersen (IA), Siulittaasoq

Naya Pedersen Lyberth (IA)

Justus Hansen (D)

Peter Davidsen (S)

Storm Ludvigsen (S)

## **Punkt .: Oqaluserisassat akuersissutigineqarneri**

### **Beslutning**

Oqaluserisassat akuersissutigineqarput



## **Punkt .: Nalunaarutit**

### **Beslutning**

Nalunaaruteqanngilaq



# **Punkt 1: Inissiap ulloq unnuarlu paaqqinnittarfinngorlugu allangortinneqarnissaanut qinnuteqaat, Manngua 25, Nuussuaq**

## **Beslutning**

Inassuteqaat akuersissutigineqarpoq.

## **Bilag**

Qinnuteqaat

Eqqaamiunik tusarniaaneq

Tusarniaanermi akissutit



## Inissiap ulloq unnuarlu paaqqinnittarfinngorlugu allanngortinneqarnissaanut qinnuteqaat, Manngua 25, Nuussuaq

Aalajangiiffigisassaq

SagsID.: BOG-2019-03116-030

Sanarfinermut Avatangiisinullu Ingerlatsivik – pisortaq Søren Pedersen / SSKP

### Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

1. nunaminertamik atugassiinermi atuuffiup allanngortinneqarnissaa akuersissutigineqassasoq.

### Suliassamik saqqummiussineq

Sanarfinermut Avatangiisinullu Ingerlatsivik ilaqutariit ataatsit illuat Manngua 25, Nuussuarmiittup nunaminertamik atugassiissutip allanngortinnissaanut ulloq unnuarlu angerlarsimaffittut atorneqarnissaanik qinnuteqaammik tigusaqarpoq. Illu Mannguani Inissiaqarfimmi kommunimut pilersaarummut tapiliussa 2A3-2-mi pineqartumi inissisimavoq. Immikkoortup ilaata atorneqarnera Inissiat siunertanut (A), inuussutissarsionermik siunertanut naleqqussarneqarsinnaasutut kiisalu paaqqinnittarfittut periarfissaqartinneqarluni atorneqassaaq. Immikkoortup ilaa immikkuualuttunut marlunnut agguataagaavoq. Immikkuualuttoq A inissianut najugaqarfinnut atugassanngortinneqarpoq aamma immikkuualuttoq B inissianut atugassanngortinneqarpoq.

Illu immikkuualuttoq B-mi inissisimavoq, taamaalillunilu atorneqarnerata allanngortinnissaa immikkut ittumik akuersissutigisariaqarluni. Suliamik suliarinninnermut atatillugu ingerlatsivimmit imaattunik sulianik ingerlatsisoqarpoq:

- Ingerlatsiviup inissisimaffia misissorsimavaa, tamaanilu pissutsit assingusut misissorsimallugit
- Ingerlatsiviup qinnuteqaatip Mannguani eqqaamiorisanut tusarniaassutigaa.

### Qinnuteqaat

Ulloq unnuarlu paaqqinniffik meeqqanut arfinilinnut atuartussanut nalinginnaasumillu atuartunut aamma sunngiffimmi sammisassanik assigiinngitsunik sammisaqartartut pineqartut qinnuteqaammi allaqqavoq. Paaqqinnittarfik ulloq unnuarlu sulisoqartassaaq, minnerpaamik marlunnik sulisoqarluni. Paaqqutarineqartut immikkut pisariaqartitsisuunngillat, taamaallaat ullup ingerlanerata iluseqartinnissaa peqqinnartumillu atugaqartitaanissaaq.

### Suliamut tunngasumik naliliineq

Ingerlatsivimmit Nuummi ulloq unnuarlu paaqqinnittarfiit tamarmik nalunaarsorneqarput, paasineqarporlu immikkoortup ilaani tassani ulloq unnuarlu paaqqinnittarfinnut marlunnut nunaminertamik atugassiisoqareersimasooq. Ingerlatsiviup nalilerpaa, sumiiffimmi allamik ulloq unnuarlu paaqqinnittarfeqarsinnaasooq, tamaani inissisimasunut allannguutaanngikkaluartumik. Naliliinermi immikkuualuttumi inissiat ataasiakkaat amerlassusaat ulloq unnuarlu paaqqinnittarfiit amerlassusaannut sanilliunneqarput, angallannermut atugassarititaasut nalilerneqarput kiisalu immikkoortoq ataatsimut isigalugu nalilerneqarpoq. Inissiat 43-t missaanniittut aamma ulloq unnuarlu paaqqinnittarfiit marluk immikkoortumiipput. Qinnutigineqartumut nunaminertamik atugassiineq nalunaarutigineqassappat, ulloq unnuarlu paaqqinnittarfiit katillugit pingasuussapput. Atuinerup allanngortinnera angallannermut akornusersuissanngitsoq naliliisoqarpoq. Suliaq sanaartornermut inatsit naapertorlugu suli nalilersorneqaranilu suliarineqanngilaq.



### Eqqaamiunik tusarniaaneq

Kommune immikkut ittumik akuersissuteqarsinnaavoq, kommunimut pilersaarummut tapiliussami tunngavinnut akornutaanngippata. Taamaattorli eqqaamiorisanut tusarniaasoqassaaq, eqqaamiorisanut suliamut attuumassuteqartunut taamaalillunilu suliamut tunngatillugu sukumiisumik, pingaarutilimmik, toqqaannartumik ataasiakkaatullu soqutigisalimmut.

Eqqaamiunik tusarniaaneq piffissami 29.10.2024 – 12.11.2024 ingerlanneqarpoq, tassanilu akerliliinerit marluk tiguneqarput.

Paaqqinnittarfiit ilaneqarnissaat ingasaginarpoq, akunnerminni eqqissisimangissasut aamma sumiiffimmi eqqaamiut mikisunik meerartaqarmata qinnuteqaat akerleralugu akerliusut isummerput. Akerliliisup ataatsip itigartissutigerusunngikkaluarpaa, kommunimulli qinnuteqartumullu ulluinnarni illunut najugaqarfinnut allanut ataqatigiissinnaasariaqartut erseqqissaatigerusupparput.

### **Ingerlatsivimmit aningaasatigut sulisoqarnikkullu naliliinerit**

Soqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Pilersaarusiorneq aamma nunaminertat atorineqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilannussat**

1. Qinnuteqaat
2. Eqqaamiunik tusarniaaneq
3. Tusarniaanermi akissutit

## **Punkt 2: Nuummi pinnguartarfinnik piginnittuuneq isumannaallisaanerlu**

### **Beslutning**

Inassuteqaat akuersissutigineqarpoq, ima ilassuteqaatitalerlugu: inoqarfiit sinneri ilanngullugit misissuisoqassasoq

### **Bilag**

Oqaluuserineqartussa: Nuummi pinnguartarfinnik piginnittuuneq isumannaallisaanerlu

# Nuummi pinnguartarfinnik piginnittuuneq isumannaallisaanerlu

Nuummi Najukkami Ataatsimiititaliamit oqaluuserisassanngortitaq

Aalajangiiffigisassaq

SagsID.: EMN-2024-04551

Pisortaqaatigiit Allatseqarfiat – kommunaldirektøri Ole Jakobsen / OJAK

## Inassuteqaat

Pisortaqaatigiit Allatseqarfiannit Illoqarfimmik Ineriartortitsinerlut Sanaartornermullu

Ataatsimiititamut inassuteqaatigineqarpoq:

1. Nuummi pinnguartarfiit tamaasa pillugit uppersaatinik nalunaarsuinerillu suliaqartoqarnissaa akuersissutigineqassasoq, piginnittuuneq aammalu aserfallatsaaliineq erseqqissumik paasisaqarfiumallugu makkua ukkataralugit:
  - Ulluunerani meeqqeriveqarfiusimasuni pinnguartarfiit
  - Maannakkut meeqqeriviusuni pinnguartarfiit
  - Nuummi illoqarfiit ilaanni sumiiffinni pinnguartarfiit

## Suliassamik saqqummiussineq

Nuummi Najukkami ataatsimiititaliamit Nuummi pinnguartarfinnik piginnittuunermut tunngasut ersernerlunneri amigartumillu isumannaallisaaneq ernummatigineqarput. Illoqarfimmiit assersuutit takutippaat, pinnguartarfiit aserfallatsaaliineqartarnissaannut kikkut akisussaasuuneri ersarissarneqanngitsut, taakkulu meeqqat isumannaatsumik toqqissisimanartumillu pinnguarsinnaanerannik aarlerititsillutik.

Taamaattumik Nuummi Najukkami ataatsimiititaliamit kissaatigineqarpoq, Ataatsimiititamit uku aalajangiiffigineqarnissaannut qaqqineqassasut:

- Illoqarfimmi pinnguartarfiit tamaasa sukumiisumik misissorneqarnissaat, kikkut pigineraat aserfallatsaaliineqarnissaannullu kikkut akisussaasuunersut erseqqissarniarlugit.
- Pinnguartarfiit siornatigut meeqqeriviusunut atasut pigineqarneri ersarissuunissaat qulakkeerneqassasut, taamaalillugu siunissami isumannaallisaanermut akisussaasoqannginnissaanik assingusumik pisoqannginniassammata.
- Pinnguartarfinnik piusunik maanna meeqqeriviusunut atasunik uppersaasiornissaq aamma piginnittuunermik erseqqissaanissamut qulakkeerinninnissaq, taamaalillugu kommunimit pigineqarneri ersarissumik allassamaniassammata. Taamaaliornikkut suliffeqarfik matussagaluarpas, kommunip piginnittuunera nassaarineqarsinnaanissaa qulakkeerneqassaaq aamma aserfallatsaaliineqarnissaannut akisussaaffeqarneq ingerlatiinnarneqarsinnaalluni.

Pinnguartarfinnik piginnittuunermut tunngasut ersernerlunneri pissutaallutik aserfallatsaalisarnissaannut isumannaatsuunissaannullu qulakkeerinninnissaq ajornartorsiutaavoq. Tamanna atuisut toqqissisimanerannut kommunillu akisussaaffiannut kingunerluuteqarsinnaavoq.

## Ingerlatsivimmit aningaasatigut sulisoqarnikkullu naliliinerit

Pisariaqanngilaq.

## Missingersuusiornermut Naatsorsuusiornermullu Immikkoortortamit aningaasatigut naliliineq

Missingersuusiornermut Naatsorsuusiornermullu immikkoortoqarfik oqaaseqaatissaqanngilaq.

## Inatsisitigut tunngavissaq allakkallu tunngaviusumik uppersaatiillit

- Kommuneqarfik Sermersuumi Najukkami Ataatsimiititalianut ileqqoreqqusat
- Kommuneqarfik Sermersuumi Najukkani Ataatsimiititaliat suleriaasiat



## **Ilangussat**

1. Oqaluuserineqartussaḡ: Nuummi pinnguarterfinnik piginnittuuneḡ isumannaallisaaḡerlu

## **Punkt 3: Nuummi innaallagissamik qamittoortoqartillugu upalugaarsimanikkut periusissiaqarnissaq pillugu siunnersuut**

### **Beslutning**

Siunnersuut ingerlatsivimmit suliareqqinneqassaaq

## Nuummi innaallagissamik qamittoortoqartillugu upalungaarsimanikkut periusissiaqarnissaq pillugu siunnersuut

Kommunalbestyrelsimi ilaasortap Peter Davidsenip (S) aamma Uju Petersenip (IA) Illoqarfimmik Ineriartortitsinermut Sanaartornermullu Ataatsimiititamut siunnersuutaat

Aalajangiiffigisassaq  
SagsID.: EMN-2025-00017

### Inassuteqaat

Ataatsimiititami ilaasortap Peter Davidsenip (S) aamma Uju Petersenip (IA) Illoqarfimmik Ineriartortitsinermut Sanaartornermullu Ataatsimiititamut inassuteqaatigaat:

1. siunnersuut Illoqarfimmik Ineriartortitsinermut Sanaartornermullu Ataatsimiititami oqaluuserineqassasoq aamma ingerlariaqqinnissap qanoq pinissaa aalajangiiffigineqassasoq

### Suliassamik saqqummiussineq

Kommunalbestyrelsimi ilaasortap Peter Davidsenip (S) aamma Uju Petersenip (IA) ulloq 06.01.2025-mi Illoqarfimmik Ineriartortitsinermut Sanaartornermullu Ataatsimiititamut aalajangiiffigisassatut siunnersuummik nassiussippot. Peter Davidsenimit aamma Uju Petersenimit Illoqarfimmik Ineriartortitsinermut Sanaartornermullu Ataatsimiititamut Nuummi innaallagissamik qamittoortoqartillugu upalungaarsimanikkut periusissiaqarnissamut periarfissaq pillugu eqqartorneqassasoq kissaatigineqarpoq.

Tunngavilersuut:

*"Taamatut ukiukkut sila nillertereernerani innaallagissamik qamittoorneq siulliunnigilaq aamma kingulliunaviarunannigilaq.*

*Taamaattoqartillugu kommunetut piareersimaffigisariaqarpagut oqquviffissat piareersimanissai upalugaarsimaneq eqqarsaatigalugu, taakkualu siumoortumik nalunngeriissavagut init sorliunersut aamma innuttaasut nalussannigilaat sumunnassanerlutik taamaatut issitsillugu oqquviffissat sumiinersut. Ininut oqquviffissanut piareersimaffigisariaqarparput innallagiasq sillimmat (nødgenerator) ikkuffeqartariaqartoq piareeqqasumik aamma nødgeneratorit sumi pissarsiarissanerlugit nalunngereertariarpagut. Kiisalu meerartallit eqqarsaatigalugu kissartuliorfiusinnaasunik sillimmateqartariaqarpugut imermillu. il.il.*

*Taamatut toqqammavilersuinitinni peqqutigaarput 28 december 2024 innaallagiasq qamittoormat minus 10 missaani issippoq aammalu paasivarput oqquviffissat "piareersimanngitsut" qujanartumilli kommunemiit iliuuseqartoqarneratigut oqquviffissat piareersarneqalerput.*

Siunertaq:

*Uani oqquviffissat piareeqqanissaat aamma sila ajornerutillugu qanoq oqquviffissanut assartuisoqarsinnaanera upalugaarsimanikkut piareersimaffiginissaat siunnersuutigaarput. Kommune taamaattoqartillugu PERIUSISSIAMIK peqartariaqarpoq nalorninata ingerlaannaq iliuuseqarnissatsinnut tunngavissaqassagutta."*

### Siunnersuut qanoq aningaasaliiffigineqassava?

*"Ingerlatsinerup iluani aningaasanik matussuserneqarsinnaanngippat immikkut qinnutigineqartariaqarput."*

### Inatsisitigut tunngavissaq allakkallu tunngaviusumik upernarsaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq:

§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.

- Kommunalbestyrelsip suleriaasissaatut aalajangersagaq §3: Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliaassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

**Ilanngussat**  
Soqanngilaq.


## **Punkt 4: Illoqarfiup ilaanut pilersaarutitut siunnersuut 4A6-1-F Pinguaraq pillugu tamanut tusarniaaneq**

### **Beslutning**

Inassuteqaat akuersissutigineqarpoq.

### **Bilag**

Illoqarfiup ilaanut pilersaarut 4A6-1-F Pinguaraq pillugu siunnersuut



## Illoqarfiup ilaanut pilersaarutit siunnersuut 4A6-1-F Pinguaq pillugu tamanut tusarniaaneq

Aalajangiiffigisassaq

SagsID.: EMN-2024-04464

Sanarfinermut Avatangiisinullu Ingerlatsivik – pisortaq Søren Pedersen / SSKP

### Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut Sanaartornermullu Ataatsimiititamut inassuteqaatigineqarpoq:

1. Illoqarfiup ilaanut pilersaarutit siunnersuut 4A6-1-F Pinguaq sapaatip-akunnerini arfinilinni tamanut tusarniaassutigineqarnissaa akuersissutigineqassasoq
2. suliap tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut ilisimatitsissutit ingerlateqqinneqassasoq

### Suliassamik saqqummiussineq

Sanarfinermut Avatangiisinullu Ingerlatsivimmit illoqarfiup ilaanut pilersaarutit siunnersuut 4A6-1-F Pinguaq matumuuna saqqummiunneqarpoq.

Illoqarfiup ilaanut pilersaarummut qinnuteqaat Pinguaq inissiat 48-t 2023-mi februaarimi Kommunalbestyrelsimut akuersissutigineqartoq tunngavigalugu illoqarfiup ilaanut pilersaarut suliarineqarpoq. 2036-mut kommunimut pilersaarutissat siunnersuummi immikkuualuttoq F immikkoortup ilaaniit 4D11-miit peerlugu immikkoortup ilaanut 4A6-imut ilanngunneqassaaq. Taamaalilluni siunnersuut matumani pineqartoq illoqarfiup ilaanut pilersaarutinngussaaq pilersaarusionermut inatsit nutaaq naapertorlugu sukumiisunik aalajangersagalerlugu.


Illoqarfiup ilaanut pilersaarusionorfik Qinnugutta kujammut kangiani, qaqqap Ukkusissap (Ukkusissaq) qanitaani inissisimavoq. Inissianik sanaartorfissat marluk, arfineq marluk tikillugit quleriillit aamma atorneqarsinnaasumik qalialimmik sanaartorneqarnissaannut aamma sanaartorfimmik mikinerusumik ataatsimik quleriillimmut sanaartorfissamik atugassiisoqarpoq. Sanaartukkamut ilanngullugu aqqusineeqqamut mittarfimmumut aqquserngup sanianiittumut illuttut biilnut inissiisarfik ilanngunneqassaaq. Taakku saniatigut aqqusineeqqat aamma pinnguarterfik aneerasaartarfillu pilersinneqassapput.

Siunnersuut sapaatip akunnerini arfinilinni tamanut tusarniaassutigineqassaaq.

Matumani immikkoortup ilaanut pilersaarutit siunnersuut 4A6-1-F Pinguaq pillugu akuersissuteqarneratigut aalajangersakkanik atuuttunik atorunnaartoqanngilaq.

### Ingerlatsivimmit aningaasatigut sulisoqarnikkullu naliliinerit

Immikkoortumut pilersaarummut tapiliussassat siunnersuut una pilersaarummik piginnittumit suliarineqarpoq. Ingerlatsivimmit pitsaassutisimik qulakkeerinnineq, siunnersiueqatigiinneq ilaallu ilanngullugit ukioq tamaat sulisup ataatsip sulineranik 1/10-nik naleqarpoq.



**Missingersuusionermut Naatsorsuusionermullu Immikkoortortamit aningaasatigut naliliineq**  
Pisariaqanngilaq.

**Inatsisitigut tunngavissaq allakkallu tunngaviusumik uppersaatillit**

- Pilersaarusiorneq aamma nunaminertat atorineqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq
- Kommunitum pilersaarut digitaliusoq [www.kp.sermersooq.gl](http://www.kp.sermersooq.gl)

**Ilangussat**

1. Illoqarfiup ilaanut pilersaarut 4A6-1-F Pinguaq pillugu siunnersuut

# **Punkt T1: Nuummi utoqqarnut pisinnaanerusunut inissialiornissaq pillugu siunnersuummut malinnaaffiginnineq**

## **Beslutning**

Ilisimatitsissut tusaatissatut tiguneqarpoq.

## Nuummi utoqqarnut pisinnaanerusunut inissialiornissaq pillugu siunnersuummut malinnaaffiginnineq

Ilisimatitsissut

SagsID.: EMN-2024-02991

Suliffeqarnermut isumaginninnermullu ingerlatsivik - Ejner Grønvold / EJGR

Sanarfinermut Avatangiisinullu Ingerlatsivik – Søren Pedersen / SSKP

### Inassuteqaat

Suliffeqarnermut Isumaginninnermullu Ingerlatsivimmit aamma Sanaartornermut Avatangiisinullu Ingerlatsivimmit Suliffeqarnermut Isumaginninnermullu Ataatsimiititamut aamma Illoqarfimmik Ineriartortitsinermit Sanaartornermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Kommunalbestyrelsimut ilaasortap Peter Davidsenip (S) Nuummi utoqqaat pisinnaaneri inissiaasaannik sanaartornissamut periarfissaqarnerseq pillugu siunnersuutaa 25. juni 2024-mi Kommunalbestyrelsimit eqqartorneqarpoq. Kommunalbestyrelsimit aalajangiunneqarpoq, "Siunnersuut akuerineqarpoq, aamma Suliffeqarnermut Isumaginninnermilu Ingerlatsivimmut kiisalu Illoqarfimmik Ineriartortitsinermit Sanaartornermullu Ataatsimiititamut suliassanngorlugu ingerlatinneqarluni".

Nuummi innuttaasut 67-it sinnerlugit ukiullit ukiut qulit ingerlaneranni marloriaatinngungajassimapput, ineriartornerlu ukiuni tulliuttuni ingerlaannassangatinneqarpoq.

Suliffeqarnermut Isumaginninnermullu Ingerlatsivik ullumikkut inissianik utoqqarnut aamma innarluutilinnut naleqquttunik innersuussisarpoq, tak. kommunimi suliat pitsaassusissaasa allaaserineqarneri, innuttaasoq timikkut piginnaasakillismappat, inissiami utoqqarnut innarluutilinnullu naleqqussakkami ikiorserneqarsinnaappat. Ingerlatsivik (13/12-24-mi) Nuummi utoqqarnut innarluutilinnullu naleqqussakkanik 275-inik inissiaateqarpoq, taassumalu saniatigut innuttaasut 68-it utaqqisuniillutik.

Ingerlatsivimmit utoqqarnut pisinnaanerusunut inissiaateqarnissamut qanoq pisariaqartitsitigisoqarnerseq pillugu ullumikkut tamakkiisumik takussutissaqanngilaq, taamaattorli utoqqaat amerlatikkiartornerisa kingunerannik inissiat pisariaqartinneqarneruleriartornissaat ilimagineqarluni.

Isumaginninnermut Suliffeqarnermullu Ingerlatsivimmit 2025-mut missingersuutiniq suliaqarnermut atatillugu utoqqarnut innarluutilinnullu inissiat amerlinissaat kiisalu utoqqarnut nammineersinnaanerusunut inooqataanikkut pisariaqartitsisunut najugaqatigiiffinnik pilersitsinissamut siunnersuut pillugit sanaartornermut tunngasumik saqqummiisoqarpoq.

Kommunalbestyrelsimit missingersuutit pillugit isumaqatigiissuteqarnermut atatillugu inissianik nalinginnaasunik, matumani utoqqarnut naleqquttunik inissianik utoqqarnullu najugaqatigiiffinnik sanaartornissamut ukiunut qulinut pilersaarusiornissaq pingaarnerutinneqarpoq. Kommunalbestyrelsimit aalajangiunneqarpoq, nutaanik inissialiornissamut ukiunut tulliuttunut sisamanut Iserit A/S 50 millioner koruuninik aningaasaliiffigineqassasoq.

Naalackersuisut utoqqarnut periusissiaanni aamma utoqqarnut inatsisissatut siunnersuutaanni nutaami, maannakkumut siullermeerlugu suliarineqareersumi, utoqqarnut suliassaarfimmut

utoqqarnut inissiat utoqqaallu najugaqatigiiffii neqeroorutitut periarfissatut nutaatut atuutilersissapput. Utoqqarnut inissiassat nutaat inatsisissatut siunnersuut naapertorlugu innuttaasunut utoqqarnut ulluunerani ikorfartorneqarnissaminnut taamaallaat pisariaqartitsisunut siunnerfeqassapput. Utoqqaat najugaqatigiiffii nutaat (massakkut kommunip utoqqaat najugaqatigiiffiannut assingunngitsut) inatsisissatut siunnersuut naapertorlugu innuttaasunut utoqqarnut ulluunerani suliassatigut taamaallaat pisariaqartitsisunut inooqataanikullu utoqqaat najugaqatigiiffiini matussuserneqarluarnerusinnaasumik pisariaqartitsisunut siunnerfigineqassapput. Maannakkumut inatsisissatut siunnersuummut aningaasaliissuteqartoqanngilaq.

Utoqqarnut inissiassat aamma utoqqarnut najugaqatigiiffissani inissiat inatsisissatut siunnersuut naapertorlugu nalinginnaasutut inissiatut inissisimassapput. Kommune inissianut akinik aalajangersaasarnermut atatillugu suliassaqarfimmi maleruagassanut atuuttunut pituttorsimavoq, taamaattumik inissiassani nutaani, matumani suliassaqarfimmi pitsaassutsinik piumasaqaatinut naammassinnissinnaasut, inissianit nalinginnaasunit qanganisaanerusunit inimit akiliut annertunerunissaa naatsorsuutigineqartariaqarpoq. Taamaattorli inatsit atuuttoq naapertorlugu ineqarnermut tapiissutissamik qinnuteqartoqarsinnaassaaq.

### **Ingerlatsivimmit aningaasatigut sulisoqarnikkullu naliliinerit**

Aningaasatigut kingunerisassat nalilersornissaat siunertaralugu misissueqqaartoqassaaq. Aammattaaq Naalakkersuisut utoqqarnut inatsisissatut siunnersuutaasa suliarineqarnissaa aammalu tamanut tapiissutit isumaqatigiinniutigineqarnissaannut atuuttut utaqqineqarput.

### **Missingersuusiornermut Naatsorsuusiornermullu Immikkoortortamit aningaasatigut nalililneq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Inissianik attartortitsisarneq pillugu Inatsisartut peqqussutaat pillugu Namminersorlutik Oqartussat nalunaarutaat
- Kommuneqarfik Sermersuumi Utoqqarnut tunngasuni suliassaqarfimmi suliassat pitsaassusissaasa allaaserineqarnerat

### **Ilanngussat**

Soqanngilaq.

**Punkt T2: Lukket**

## **Punkt T3: Lukket**

**Punkt .: Imaqarniliap akuerineqarnera**



## **Punkt .: Tamalaat**

### **Beslutning**

Imaqarniliaq akuersissutigineqarpoq nal. 15.16

